

4. novembr. 2015

UKA 2015/105

**Nuna tamakkerlugu ikiaroornartoq hash-ip akiorniarneqarnissaa pillugu iliuusissamik pilersaarummik UKA 2016-imi Naalakkersuisut saqqummiussaqaqqullugit  
Inatsisartut aalajangiiffigisassaattut siunnersuut.**

(Inatsisartunut ilaasortaq Mimi Karlsen, Inuit Ataqatigiit)

Aalajangiiffissatut siunnersuut Siumumiit ima oqaaserfigissavarput.

Pinaveersaartsineq aqqutigalugu inuiaat peqqinnarnerusumik inuuneqarnissaannut aqqutissiuus-sineq ingerlanneqartuarnissaalu pillugit aammalu ikiaroornartup akiornissaa pillugu Siumut tapersersuuaannassaaq. Tamatumunngalu peqataanissatta naatsorsuutigineqartuarnissa qularutigineqasanngitsoq ilisimatisissutigissavarput.

Ikiaroornartoq Hash nunatsinni inerteqquaalluinnartuuvoq. Akuersaarneqanngisaannarnissaalu siunertaralugu suliniutit suulluunniit peqataaffiginissaat Siumumiit tunuarsimaarfingilluinnar-pagut. Peqqissutsikkuinnaq kisiat innarliinnginnera tamatta ilisimavarput, nalunngilarpummi ilaqtariinnut, meeqqanut allaat naartusunut qanoq ulorianartigisumik sunniisimanera. Kinguaariit tullissaan-nut nikeriarnissamut sakkortuumik ulorianartorsiorpugut. Tamanna inuiaassutitsinnut sunut tamanut kalluaanissaanut sillimanngikkutta iliuuseqanngikkuttalu navianartorsiorneq sakkortooq nalaat-tussanngulerparput.

Inuusuttorpassuit allaallumi inersimasut utoqqanngulersllu atuisut tusaamajuartakkagut sumiiffinni tamaneersut naammattoorneqartuaannalersimapput. Ajuusaarnarnerpaavorlu tusarsaalermaat mee-qqat atuisut amerlatsikkiaortornerat. Saniatigut suli meeraq inuunngitsoq anaanaasup atuinermigut innarliinera aallartereersimasartoq paasineqartalerpoq. Tamaku akuersaarneqarsinnaanngillu-innarerat Siumumiit ersersikkusupparput.

Siumut isumaqataalluinnarpoq Hash-politikeqalernissamut Naalakkersuisullu akissuteqaatiminni ersersippaat hash akiorniarlugu Inuuneritta II-mi pineqartut isiginiarneqarnerat, tassuunatigut ilanngummassuk "siusinaartumik Iliuuseqarneq meeqqanik sumiginnaaneq pinaveersaartinniarlugu sulineq" aqqutigalugu. Pisariaqarluinnarpoq akiuiniarneq ataatsimoorfingissallugu. Peqatigiilluni sulineq tamanit angusaqarnarnerusarmat. Taamaattumik tapersensorluinnarparput Naalakkersuisut hashi pillugu suliassamut pilersaarusrisiaq Kalaallit Nunaanni imigassaq aalakoornartoq pillugu suli-assamut pilersaarusriamut 2013-2019-imi ingerlasussamut tapiisutaasussaq Naalakkersuisut naaper-torlugit naammassileroq saqqummiutilersaarmassuk, tassungalu atatillugu siunnersuuteqartoq aperiumavarput Naalakkersuisut suliaanut tapersiumanersoq?

Takorloorsinnaallugulu ilimagereersinnaavarput siunissami aggersumi ikiaroornartup inuiaqatigiin-nut kingunipilui qanoq sakkortutigisinnanersut. Ajuusaarnarporlu akuersaarminaalluinnarlunilu ikiaroornartup inerteqquaasup illersorneqartarnera. Inuup imminuinnaq aallaavigaluni ikiaroornartumik illersuilersarnera akuerineqarsinnaanngilaq. Ilisimaneqartariaqarpoq sunniutit assigiinngitsut ullumikkut atulikkagut ulorianartorsiortsinermik imaqarmata. Pisartut assigiinngitsut pillugit siusinaartumik iliuuseqarnissaq qaammarsaannerinnakkuunngitsoq ataatsimoorussamilli akiornissaanut nammaqatigiinnissarput aatsaat taamak pingaartigimmat.

Ilisimalikkattalu ilagaat eqqarsartaatsikkut napparsimalersimasunut inissiisarfiit; soorlu A1 inissaa-latsitsilluinnalersimasut. Aarlerinartuuvorlu piffissami aggersumi suli amerlanerusut utaqqisuniit-sinneqartalertariaqarnissaat. Pisoq qiviartariaqaligarpus ataatsimoorfigisariaqarparput. Aamma atu-arfinnut, ilinniartoqarfinnut, sumiiffinnullu ornittakkanut paasitsiniutigineqarnissaa pimoorunne-qartariaqarpoq.

Siumut pingaartittuaannarpaa inuit peqqissut peqataaffigalugit inerisaaqataaffigissallugit, taaku pillugit anguniakkat tunuarsimaarfiginaviarnatigit erseqqissarumavarput. Maannakkullu iliuuseqa-nngikkutta siunissami aggersumi aningaasatigut annertuumik akiuniarnermut allatigullu aningaa-sartuutissat annertusiartuinnarnissaat ilimanareersinnaavoq. Inuuusuttorpassuimmi piukkunnartuu-galuit ikiaroornartumik atuinermikkut qaratsamikkut innarlersimasut takussaalereerput, taakkulu tullissai pillugit akiuniarnerit sakkortuut pisariaqartippagut.

Ikiaroornartumik atuisut pilerisaarisarnerat ussiisarnerallu akiorneqartariaqarpoq. Ilisimalikkanimmi takuneqarsinnaavoq inuit atuisuusut amerlanersaat tassaakkajuttartut inuttut ajornartorsioreersut. Pi-sunut matoorisut, takunnikkusunngittut, pinngitsuuisinnaajunnaarsimasut imaluunniit atuiunnaar-nissaminnut aniguineq ajuleqqasut. Uanili immikkut sakkortuumik atuisuusimasut atuijunnaarsi-mannerat pillugit nersualaartariaqarpagut, isumaqarlatalu taakku pattalaarneqartariaqartut. Ilisi-mavaat suna naaggaarnerlugu. Suliniutit ingerlareersut peqatigiilluta pitsangorsaqqittariaqarpagut. Aamma atuisut unitsitsisinnaanissaannut piumassuseqalersinnaaqquullugit.

Taamaalilluta Naalakkersuisut hash pillugu suliassamut pilersaarusiaq allartereersimammassuk pif-fissallu ungasinngitsup qaaangiunnerani saqqummiunneqartussaammat suliassat marloqiusamik su-liarineqarnissaat kissaatiginangimmat siunnersuut Siumumiit itigartinneqarnissaa inassutigaarput.

Laura Táunâjik  
Siumut